

二

改訂外科大全



外科大成卷之二

太醫院御醫燕越祁坤廣生甫

輯著

分治部

癰疽之原委順逆治法已詳首卷今之分部位者為別經絡認穴次定名色耳其症治不外乎首卷之提綱然間有稍異於總治者有當治本症之方而即以此方各附於本症條下則開卷了然庶無遺漏紊亂矣

頭部

經絡 中行直鼻上巔屬督脉經又屬足太陽膀胱經傍開一寸五分為第三行是足少陽經頭角直耳上中亦足少陽經頭角直耳上中亦足少陽經

百會疽生百會穴初起如粟次大如錢形似葡萄堅硬色赤寒熱痛楚 元氣厚者由熱毒上攻宜黃連

消毒飲蟬酥丸貴金丸之類 元氣弱者由虛陽浮泛宜八味地黃丸引火歸源更以附子餅置湧泉

穴災五壯以洩其毒 若腫連耳項七日不穴神昏痰起者不治

玉頂發穴一名佛在疽生七星由足太陽經風熱所致初起神授衛生散紺珠丹是寔者貴金丸虛者十全

大補湯加羌活 潰而黑陷脈大神昏二便閉者不治

透腦疽生顛門之際形如雞子堅而使頭痛如斫灸缺盆穴二七壯

侵腦疽生透腦之前頭疼引目 灸支正穴七壯二症初宜紺珠丹汁之次宜托裡散托之

額疽生當額或兩赤疽腫如桃李由陽明胃經積熱所致寔者貴金丸下之次以內托散托之潰者補之

十日不穴潰而無膿出血者不治

太陽疽穴一名太陽勇疽狀如伏鼠腫連面目寒熱交加七日不潰毒即攻眼急宜貼破破慎風水犯則損睛

屬陽明胃經治同透腦疽 十一日刺得黃白膿者順清稀黑血者逆

髮疽

生於髮

屬手少陽三焦此經多氣少血最忌見膿多由肝胆怒火或因風熱血虛所致初宜神授衛生

散柴胡清肝湯清之次以托裏消毒散托之以速其膿膿成而至收斂時腎虛者六味地黃丸氣虛者

補中益氣湯此症虛脈虛之治也若煩燥飲冷身熱脈大神昏者臟腑寔也宜貴金丸所為瘍瘡寔熱

不利者下之是也宜灸伏兔穴二七壯此症雖屬少陽然脈症俱寔者隨其壯弱瀉以重輕若守經

禁而純投補劑非確論也有未見瘡時先作渴症一年半載始發髮疽色紫瘡黑平陷堅硬無膿毒

流耳項氣穢容枯神昏不食者不治

天疽

生左後

銳毒一拓三分

天者妖變之物也屬肝木銳者鋒利之器也屬肺金二症起於謀慮不決火

鬱而成生於隱微發於不測及覺之時毒已入勾矣紅活高腫易腐易膿者順堅硬伏陷未潰先黑

未膿先腐臭穢易生元氣易敗此毒氣內攻也為逆微者加味道遙散越鞠丸托裏消毒散隨時增

損甚者十全大補湯非倍用參附不能以回其陽

耳後疽

生耳後

屬三焦經高腫有頭者順無膿軟陷者逆甚則噤腫頰痛肩肘俱疼初起者紺珠丹汗之

熱甚者涼膈散清之已潰者如潰瘍門托之補之

耳根毒

生於耳根

狀如痰核不動而微痛屬胆與三焦二經風熱所致宜衛生散或加升麻柴胡或貴金丸下

之弱者神效瓜蒂散托之因怒而耳下腫者或肋痛脈弦緊者小柴胡湯加青皮紅花桃仁牛蒡子

再寒熱加荊芥防風益肝者內主藏血外主榮筋怒則氣逆故筋蓄結腫若不自加調攝肝迭受傷遷

延結核再犯追蝕之藥因而不斂不治者多

耳發

生於耳輪

初起如胡椒漸大如蜂房紫赤腫痛者三焦經風熱所致宜衛生散或加升麻桔梗壯者貴金

丸汗之下之出黃膿者順出鮮血不食神昏狂燥者逆

玉枕疽

生於玉枕

後發生在玉枕稍下形如硬癰堅而難潰痛引項肩氣粗鼻塞此足太陽膀胱經伏陽結滯

乃以土膏重出膿易愈老弱者紫陷流黃水難瘳寔者內疎黃連湯加羌活金銀花之類或

衛生散貴金丸虛者托裡消毒散加升麻葛根酒炒黃芩梔子之類兼服蠟礬丸有頭者刺之塗拔疔

散無頭者以離宮錠子塗之或災風門穴三七壯艾如萊豆大

腦鑱項後初起如橫木久之上至巔頂下至大椎未膿而皮先損或冷而木痛時流清水或熱如火燈痛

如針刺黑如煙灶形如犬咬四畔堅若牛唇靈樞經云陽氣大發消腦溜項名曰腦鑱煩心者死此由陰精消固所致急用神妙拔根法門針以通其竅內用十全大補湯加大附子及八味地黃丸以回其陽宜與項部偏腦疽法及腦疽醫按參酌之若攻補得法亦有得生者不可因其惡而棄之

頭部主治方

黃連消毒飲 治百會疽由膏梁之變者惟宜苦人禁用芳香等藥服後忌飲冷水犯之作膿而效遲

黃連 黃芩 黃柏酒炒 人參 獨活 防風 藁本 甘草炙 甘草稍

陳皮 防己 歸尾 蘇木各五 知母酒炒 羌活 連翹 黃芪 歸身

生地各一錢 桔梗一錢 澤瀉七分 用水三鍾煎鍾半入酒少許再煎食後服

柴胡清肝湯 治鬚疽初起毋論陰陽表裏俱治

川芎 當歸 白芍 生地 柴胡 黃芩 枝子 天花粉 防風

連翹 牛蒡子 甘草節等分 用水二鍾煎八分食遠服

應用方

貴金丸 八味地黃丸 紺珠丹 神授衛生散 十全大補湯

托裡消毒散 六味地黃丸 補中益氣湯 蠟礬丸 越鞠丸俱見首卷

蟬酥丸 拔疔散見疔 神妙拔根方針門 加味逍遙散稟癰 諸症灸法首卷

黃連救苦湯項部

面部其眼耳鼻口齒舌咽喉等症另有分門

諸陽皆會於面統其所屬惟胃脈起鼻交額中入上齒中俠口環唇循頰車上耳前過客生人穴故人之面陽明之屬也 從鼻直上至額屬督脈經目內眦而上足太陽經而下足陽明經目瞳子而

上足少陽經而下足陽明經目銳眦而上手足少陽經承漿屬任脈經足陽明經

頰瘍 瘍則頰骨腫痛寒熱相熾由陽明風熱所致宜衛生散加升麻葛根水酒煎服或貴金丸

頰疽 疽之初起如松子微腫微赤微痒漸大如痰核如結毒如瘤由陽明積熱所致宜蟬酥丸及衛生

散加膽製南星 靈樞經云心病則頰赤宜降心火如黃連安神丸又曰腎病則頰黑宜滋腎水

如地黃丸是頰之為症不可專委於陽明也

頰疔 初起如粟麻痒堅痛色白而頂陷寒熱交作宜用挑法塗拔疔散腫處搗鮮菊花葉敷之內服蟬

酥丸頰疔或天偏歷穴二七壯

面發毒 面上癰癤腫痛由風熱客於陽明也宜涼膈散如羗活荊芥升麻敷清涼消毒散不腫痛者宜

托裡消毒散

面遊風 初發微痒次如蟻行面目俱浮更兼痛楚由陽明壅熱所致宜涼膈散加升麻葛根羗活防風

白芷牛蒡子之類外敷祛風潤肌之藥

疔腮 腫尖而色赤者風熱腫平而色淡者濕熱皆屬於胃壯者黑牛散下之或加味消毒飲散之忌用

敷藥恐毒攻喉

頰瘍生於耳下頰車之上一名頰金腮初生如粟漸大如豆亦由胃熱壯者貴金丸下之或犀角升麻湯已成者內托散

加羗活獨活潰則難以收口多有附骨久必成漏宜用熬法一疔四疳穴三七壯

瘰癧生頰瘍之前半寸許形如雞子堅硬難潰膿水常流經年不愈內服托裏潰堅之劑或天井穴三七壯

骨槽風生牙二名接骨牙又發起於耳前連及腮項筋骨隱痛久則漫腫牙關緊急寒熱如瘧此由鬱怒傷

裡約中加麥門冬五味子藿香之類使水升火降脾健金清乃愈若誤用寒涼則非理中湯佐以姜附不能收功外腐用絳珠膏忌用刀針蝕藥若堅腫不消外腐不合虛熱不退形焦體削者為逆不治

發願生額骨之下額頰之由手足陽明經客熱或傷寒發表未盡所致初宜貴金丸紺珠丹或衛生散加升麻桔梗黃連如腫痛不減用托裡消毒散如膿出反痛惡寒發熱晡熱者皆氣血虛也宜十全大補

湯補之 願腫而連及耳後者宜補腎之虛火經曰腎熱頤先赤也願腫而連及耳下者當清疎其肝

火是耳下則屬手足少陽經也

時毒 初起狀類傷寒一二日間面鼻耳目焮赤腫痛甚則咽喉頸項俱腫由感四時不正之氣所致或

結核有根咽喉閉塞至五七日間神昏喉閉不食不出穀者不治若延至十日外者即不治而亦自能

愈矣 症有陰陽治有汗下慎用寒涼兼用噤法 脈浮數者邪在表也宜葛根牛蒡子湯脈沉實者

邪在裡也宜內疎黃連湯脈沉瀉者邪入深也宜漏蘆湯又自少陽經出者腫連耳下引以柴胡自陽

明經出者首面大腫引以升麻葛根自太陽經出者腫連耳上引以羌活荊芥防風 表裡俱實者宜

貴金丸然此症與膏梁積熱不同硝黃非大便秘寔者勿用 脈洪數浮數者治宜內消衛生散脈滑

數者欲作膿也治宜內托如托裡消毒散腫痛焮熱者宜砭去惡血敷以消毒等藥如冬月患此其脈

浮緊按之洪緩者乃寒氣鬱熱也宜以苦發之辛散之如托裡溫經湯慎用針砭所謂冬月閉藏用藥

多而少針石也

鳳眉疽生于一眉眉發形長如小赤痛引腦二目合腫甚則堅痛色黑嘔逆悶亂者危 屬手足太陽少陽

四經宜灸陽谷穴七壯 六日可刺得膿則減否則女子七日死男子二十四日死

龍泉疽生於軀形小而異麻痺不時寒熱交作由伏陽攻於心肺虛熱注於三焦也 治如疔法 或灸百

曹穴七小壯

虎鬚毒解于地承漿疽各類癰由陽明胃經積熱所致壯者貴金丸下之涼膈散加升麻葛根羌活防風清之或災百會穴七小壯

面部主治方

犀角升麻湯 治頰瘍并治唇口頰車鬚髮鼻額等處腫痛諸症

犀角二錢升麻一錢羌活二錢防風一錢川芎 白芷 白附子 黃芩各八分甘草五

水二鍾煎八分食遠服

清陽散火湯 治骨槽風

牛蒡子 防風 荊芥 薄荷 黃芩 龍膽草 黃連 貝母 水煎食遠服

升桔湯 治骨槽風并咽喉耳痛

升麻 桔梗 昆布 連翹 射干 甘草等分 水煎食遠溫服

葛根牛蒡子湯 治時毒脈浮數者邪在表也

升麻 葛根 牛蒡子 麻黃 連翹 玄參 桔梗 甘草等分

水二鍾生薑二片煎八分食遠熱服 一加管仲淡豆豉

雙解消毒散 治大頭風脖子腫

黃芩 枝子 連翹 薄荷 甘草 大黃 麻黃 羌活 白芷

防風 荊芥 射干 蒼朮 當歸 川芎

用生薑三片水二鍾煎一鍾食遠熱服

托裏溫經湯 治時毒在冬月脈浮緊者宜服

麻黃二錢防風二錢升麻四錢葛根二錢歸身二錢蒼朮一錢人參一錢白芍一錢甘草五分

水二鍾先煎麻黃令沸去沫再下餘藥煎一鍾溫服蓋被俟汗出則腫自消

立消散 治大頭風頭面虛腫如泡

草烏一兩 白芨

甘遂各一兩 小良姜三錢 甘草三錢 麝香一錢

為末用蒼木搗汁加醋調勻雞翎蘸掃腫處立消

搗鼻通氣散 治時毒喉腫咽噎不利者用此敷之取嚏以瀉其毒

玄胡索

玄參各三錢

川芎各一錢

細辛

藜蘆

草烏

各一兩 羊花六分

為末用紙撚蘸藥送入鼻內取嚏為度每日三次以嚏出膿者必愈無嚏者不治

清涼消毒散 治面發毒

天花粉 白芨

黃柏

山慈姑

烏藥

雄黃

乳香

麝香

右為末用雞子清和蜜水調敷

火醋錠子 治面上熱瘡身上熱癬

大黃用醋浸晒九次和為錠火酒磨塗

黑牛散 治疔腮初起壯寔者

黑牽牛兩 搥碎米醋二鍾煎一鍾露一宿空心溫服

二金散 治金腮瘡蝕透腮頰者

鬱金

雞內金等分

為末先用鹽湯盥漱淨搽之

蒸法 治金腮瘡毒疔久不合口而成漏者

用麪作井圍圍粘瘡口勿令漏洩次搽護心散於瘡口內再次入藥油於井內令滿用紙條做捻燃之

初用一條加至三四條預用絹帕膠臉以防油爆蒸至好肉方痛根有幾處則痛有幾處至大痛時以

水濕紙滅燈勿令口吹俟痛稍止再燃如前以油乾為度去麪并用地骨皮煎湯一碗布蘸湯滴於瘡

口內以滴湯盡為度用數藥敷四圍以珍珠散搽瘡口內黑膏蓋之俟膿乾時加象皮末收口內服托

裏等約

護心散 雄黃三錢 珍珠二錢 血竭二錢 乳香 沒藥 兜茶 象皮 龍骨 赤石脂各

錢一射香

冰片各五

共為末聽用又於蒸洗時服三五分立能止痛

藥油方

黃連

黃柏

連翹

當歸

芍藥

生地

各五

用香油一杯文火煎枯絹濾渣聽用

敷藥方

姜黃

雄黃

大黃

黃柏

黃連等分

為末米醋調敷四圍

面部應用方

神授衛生散

紺珠丹

托裏消毒散

內疎黃連湯

十全大補湯

貴金丸俱見首卷

蟬酥丸

拔疔散俱見疔門

冰硼散見咽喉門

漏蘆湯見腫毒門

災法見首卷

黃連救苦湯見項部

頸項部

經絡 項之中屬督脈經項之旁八筋之中屬足太陽經大筋之旁耳之後屬手少陽經耳之下屬足

少陽經類下屬於太陽經類前一寸屬手陽明經扶喉兩旁動脈屬太陽陽明二經

項疽

生于項中一名項中疽俗云對口為與口相對也屬督脈經盛陽之火 燉赤腫痛者易治根大堅硬者

難療半塌神昏者死 初起脈洪數有力者紺珠丹衛生散貴金丸梅花五氣丹黃連救苦湯俱可選

用并隔蒜灸之或災天宗穴七壯艾如菉豆大 已成者解毒天漿散托裏消毒散已潰者大小保安

湯以補元氣加減地黃丸引火歸源外兼敷治或災神闕穴二七壯 此症有頭尾頭向上尾向下形

如蜂窩者防毒氣攻心蝕腦又忌見風風入發搐者難療若癰癰毒流兩肩者鮮血暴湧者腹脹謔語

者俱不治

小兒生對口之下

治同腦疽

大柱疽

生天

骨之離形陷色黑多痒由三焦經鬱憤所致初宜衛生散壯者貴金丸弱者神效承襲散已成者

八珍湯加柴胡香附及遠志酒

甚者肩背拘急嘔逆惡心宜隔蒜灸之以痒止為度或明灸之災而有泡者順無泡者逆服汗劑得汗可治無汗難醫靈樞經云失治則熱氣下入淵腋前傷任脈內薰肝

肺十餘日死所以神昏嘔噦血不止者不治

偏腦疽

生對口

屬足太陽膀胱經蘊熱所致蓋太陽經所司寒水起於顛頂貫項兩傍而順下多冷多沉

故多平塌堅硬難潰又易流注

初起未成七日以前者用披針當頭點入知痛處方止出其惡血通

其瘡竅插蟬酥條直至瘡底每日二條外用膏貼三日後加添插藥內服紺珠丹或蟬酥丸發汗解毒

次服托裏大補之藥以回陽氣直至頂根高突腫痛外用神燈照法助陰為陽至七日其瘡四圍烈縫

有膿方住插藥輕者九日後脫出或腐化重者至十三日其根自脫如期根深蒂固不能脫者披針取

之外貼玉紅膏內服大補之藥托之誠轉重就輕移深居淺之良法也如不腫不疼災亦不痛者尤宜

此法治之若前腦疽陽症則不用此法

魚尾毒

生于後髮際間在偏口之上腦後發之傍

治同偏口出血氣喘痰發者難治

百脈疽

腫遠頸項疼痛身熱不食上氣咳嗽其發引耳不可以腫十五日可刺見膿者順見血者逆

鎖喉毒

頸項忽然腫痛如失枕之狀久則紅遠肩背堅硬難消由肥人善飲風熱外侵所致治宜

清暑疎風

結喉癰

生于溢外

正中一名猛疽屬任脈及手太陽少陰三經由憂憤所致宜黃連消毒飲衛生散靈樞經云膿

不瀉則塞咽半日死故宜針之出毒服補托之劑雖潰通流出湯水者亦愈一災少海穴七壯

氣癰

生于結喉之上下

夾喉癰腫之結喉

二症治同結喉癰 一灸靈道穴七壯

項部主治方

黃連救苦湯

腦疽發鬢發頤及天行時毒初起增寒壯熱頭面耳項俱腫服之未成者自消已成者速潰

黃連 黃芩 柴胡 升麻 葛根 連翹 桔梗 川芎 歸尾

赤芍 羌活 防風 金銀花 甘草節 等分 用水二碗煎八分入酒一杯食遠熱服

解毒天漿散

腦疽積毒日深堅腫木硬口燥舌乾惡心煩渴六脈沉實有力大便閉結不通者並宜服之

石決明 研姜蚕 川山甲 防風 連翹 金銀花 羌活 乳香 黃連

當歸尾 甘草 各一大黃 三錢 天花粉 用新鮮末晒者四兩石血內搗

右將花粉汁碗半同約煎八分入酒一杯空心熱服行三次方用飲食已煎炒發物

迴毒銀花散 腦疽及諸發陰瘡不起色變紫黑者金銀花二兩黃芪四兩甘草一兩細酒二十兩同約入

小口砂礮內密封重湯煮三炷香為度取起瀉清服之益煖患上其瘡漸漸高腫此轉陰為陽吉矣後

用托裏藥清膿如服後不痛不起瘡頭流出黑水者為真陰不治

梅花五炷丹 腦疽發背諸般疔腫初起寒熱交作筋骨疼痛有似傷風惡心嘔吐但未成膿者並宜服之

梅花冰片 射香 用當門 辰砂 飛 輕粉 各一錢 小兒血竭 乳香 沒藥

真蟬酥 端午日取四錢 右藥各研細末對准分數於端午日辰時製至午時向日為丸如茄子大一時

晒乾用川椒二十七粒燈心二十七段同約收礮內養之黃蠟封口勿洩氣每用時先食美饌令飽用

無根水漱淨口再含水一口少頃待溫用葱白五寸同水嚼爛熱下隨將約餅一枚放舌下睡於煖處

視益然化若水徐徐嚙之瘡勢大者二三餅亦可葯盡其汗即到如淋諸病若失如冬月天寒難汗嚙後將葱湯催之即汗如暗疔人所不覺及者及覺而失治者毒氣入裏人便昏沉一中便倒不能依法服葯急用蓮鬚葱白七根煎酒一杯研葯五餅灌下葯氣到心其功如湯潑雪患者即時甦醒誠外科之奇方也不可忽之

大保安湯 腦項諸發癰疽惡瘡大毒已潰之後膿水出多氣血虛弱精神短少飲食不思坐臥不寧煩燥不眠晝則安靜夜則發熱及虛陽煩渴等症

人參 白朮

茯苓

當歸

川芎

白芍

熟地

山藥

山茱萸

牡丹皮

五味子

黃芪

各一錢

熟附子

肉桂

麥門冬

甘草

各五

用煨姜三片大棗二枚蓮肉七個水二鍾煎八分食前後服

腦疽灸法 用騎竹馬法灸之

一法用線橫量人口至兩角為則次用線以黃蠟拖過從患人項上垂下至兩乳頭為則剪之復從患人頸上往後自項垂下貼脊比齊線盡處為則以墨記之再將先比口之則於墨記處兩傍各橫開一則盡處是穴以墨記之用艾於兩傍穴上各灸三壯或五壯其毒自痿而不大發徐徐而愈一灸氣海穴二七壯三里穴各五壯

頸項部應用方

紺珠丹

衛生散

貴金丸

托裏消毒散

加減地黃丸

絳珠膏 俱首卷

黃連消毒散

頭部

蟬酥丸

蟬酥條

見疔門

敷貼葯

首卷恭用

灸法 見首卷灸門

腦疽治驗 一人項疽十餘日勢甚根連耳項紅腫焮熱脈浮而數用黃連消毒散二服大勢稍定次用托裏消毒散數服不能腐潰脈浮無力此為元氣損傷止能起發不能為膿易十全大補湯加桔梗白芷

倍參末各三錢外用桑柴烘法早晚二次烘之貼紺珠膏數日患者頭面俱腫雙目合縫形狀可畏然後腐潰並作膿出日至數升將及半月加五心煩燥飲食少思此補力不及所致雖變無妨用聖愈湯一服不應又進一服加熟附子二錢方應前症悉除次以人參養榮湯加麥冬五味參末倍至三錢月餘後腐肉連髮片片脫下狼狽不堪又恐補不及事每日粥食中用人參三錢凡餐分入同煮食之後元氣漸醒調理四月方瘥

一人生偏疽隔蒜灸十五壯知痛乃住失用內藥又四日紫腫木痛便秘脹寔以內疎黃連湯加玄明粉二錢通之次用消毒救苦湯二服腫勢仍甚此內毒外發不可再消換托裏消毒散至二十四日固患者肥外肉多堅不作腐潰欲行針開放彼堅執強阻後煩悶昏憤人事不醒乃變症出也隨用披針左右耳邊并頂中各開一竅內有膿腐處割頑肉寸許放出膿血碗許服健脾養血大補之藥膿似泉流每朝夕藥與食中共參六七錢服至腐化新生又四十日外患者方得漸醒始知人事此症設若禁用針刀不加峻補而得生者鮮矣

一人項疽五六日瘡根平散又至五日外瘡勢堅硬根脚開大毒氣已過兩肩流注前項胸乳皆腫嘔吐惡心寒熱不食形勢可畏此時非藥力可及也先用葱湯洗去舊藥煮拔筒拔提二處出瘀血碗許隨用銀針斜斜插入根脚透通底數處以蟬酥條插入孔內最能解毒為膿總以膏蓋之其走散處以溫藥敷之日漸日消毒收原處兼服內托降火化痰之藥三四日大勢已退內膿已通換服十全大補湯八堅而不化者照之腐而不痛者取之新肉生遲者培之如是調理三月方瘥

一婦年六旬素稟怯弱疽頭如粟喜其形體不肥雖發之逆後必易潰先隔蒜灸之次以蟬酥餅貼灸上四邊以吸毒散敷之收其根內服托裏消毒散數服瘡勢堅硬苦於痛楚予為脈細數而無力此內虛之故不能解毒為膿以痛為要換益氣養榮湯加角刺白芷三服腫亦漸起用桑木烘法堅亦漸軟膿出稠而不多前方去皂刺白芷加香附倍參芪又數服膿潰潰後痛亦不止再三日腐肉將脫小半用乳膏定

癰散一服痛退除數十日完口

此法要在眼力精巧量病易難腐新遲速補助有無用約合式然後

相量日數并皆決之於前發之必中
一婦壯年體胖項生疽頂高根活彼欲內消子為藥消不能針消則可取披針當頭針入六七分至軟肉方住去瘀血插蟬酥條服蟬酥丸得大汗而解次日瘡出微膿漸消再服消毒清熱之藥不出十日而安大凡欲消瘡毒先斷根本次瀉毒氣使毒日衰無致內攻為訣

一人耳後生疽將半月根脚漸大瘡頭血水穢污四邊紫黑軟陷無膿面慘鼻煖手冷氣促脈胗散大無根此內敗症也不治果卒但犯此症雖山岳之軀一敗無不傾倒

一婦對口自突念餘壯不痛突疔焦黑平陷如故胗之脈微數而無力者內虛症也若假藥力則誤其事用披針當頂刺入寸許不知痛亦無血此毒滯而未發也插蟬酥條以膏蓋之每日一次七日後周圍裂縫出膿內服補劑至十四日根脫捺絳珠膏又半月口平捺珍珠散生皮而愈此症不用針攻專假藥力雖不至死豈能得其速愈哉

一婦年四旬肥甚患項疽五六日視之肉腫瘡不腫乃頂也又兼口燥心煩此邪火也堅硬紫暗此死血毒滯也根脚散平為真氣內敗不能束毒也六脈洪大為毒氣勝正氣也此太過之症後必無膿軟陷內攻而死辭不治後果效

瘰癧

瘰癧 結核於頸前項側之間小者為瘰大者為癧連續如貫珠者為瘰癧始起於少陽經穴延及於陽明經頰車等處再久之則延於缺盆之下形長如蛤色赤而堅痛如火烙屬三焦經名曰馬刀又甚於癧也此由三焦肝胆三經怒火風熱血燥而生或肝腎三經風熱虧損所致 初起寒熱瘰癧者此肝火風熱而氣病也用小柴胡湯加胆草枝子芍藥當歸因怒腫痛或發熱者用小柴胡湯加青皮木香桃仁紅花若寒熱止而核不消者此肝火燥而血病也用加味逍遙散以清肝六味地黃湯以滋腎如肝脈弦紫腎脈洪數者由腎水不能生肝也用補中益氣湯六味地黃丸以滋化源如痰盛痞滿右關脈弦者此脾

土虛而肝木乘之也用六君子湯加芎歸次仍用補中益氣湯至將潰已潰用神效瓜蒌散益氣養榮湯
間服之如潰之膿清者須大補之 機云此不因膏梁丹毒火熱之變由虛勞氣鬱之所致治宜補形氣
開鬱結調經脈瘡自消散不待汗之下之而自愈也是以始終之治惟以補氣血以滋化源慎用追蝕悍
爛等藥雖然若至膿稠時必用追蝕等約一劑癰毒去而瘡口自斂諸癰已消惟一核尚存者必用追蝕
藥一服其核自消若氣血壯而脈沉寒者即用追蝕約一服毒一下隨服補劑調理蓋癰癰之毒莫不有
根地胆蟬毛製度有法能使其根從小便中出雖曰悍爛能助王道之治相濟成功是在治者神而明之
變而通之然非藥用之通論也獨婦人患此者居多蓋因其性急躁其氣怫鬱其心執滯而然也若小兒
則內無七情所干是由外受風熱氣血相傳所致忌用燥毒等藥宜大聖散連翹天竺黃丸調其內并
兼外治自然獲效有嬰兒落草時項間即有三四枚者緣免於胞中其母多怒兜稟其氣所致當治其母
用藥同前 書有風毒熱毒氣毒之異癰癰筋癰痰癰之殊者俱發於項而相似惜乎未詳予為癰由內
傷所致其形小其發緩無疼痛計以月年毒由外感所致其形大其發暴多腫痛日不待時為異耳治癰
則從本門調理治毒則於項部門參考

以形而言之生左耳根名蜂窩癰生右耳根名惠袋癰遇怒即腫名氣癰核痛紅腫名血癰筋縮如貫珠
者名筋癰小而多痒名風癰遠項生者名蛇盤癰領紅腫痛名熱窩癰延及胸腋者名瓜藤癰延及遍身
紅活易潰者名痰癰生乳旁兩胯軟肉等處名疔瘍癰灌注四肢遍身自潰相穿者名流注癰已上諸癰
推之動為無根屬陽宜兼外治如後方針灸敷貼蝕腐吸膿等法是也膿稠者易治膿清者難治無膿者
不治 獨生一個在顙門者名單窠癰一包十數個者名蓮子癰核上堆核者名重台癰堅硬如磚者名
門門癰形如荔枝者名石癰如柱木者名木癰如黃豆結簍者名鎖項癰如鼠形者名鼠癰已上諸癰推
之不動為有根屬陰皆不治之症也切忌針砭及追蝕等藥致難收斂 按石症宜究其原施其治砭其
形命其名從本引末針灸隨宜方能獲效非易易也

瘰癧王治方

加味小柴湯

治肝膽二經部位熱毒瘰癧及一切瘡瘍發熱潮熱并小腹脇肢結核囊癰便毒耳內或耳下先瘡

柴胡 黃芩二錢各人參 半夏 胆草 枝子 當歸 白芍各錢 甘草六分

用生姜三片水二鍾煎八分食遠溫服

加味道遙散

治婦人血虛五心煩熱肢體疼痛頭目昏重心忡類赤口燥咽乾發熱盜汗食少嗜卧及血熱相搏
月水不調寒熱如瘧臍腹作痛並治室女血弱榮衛不調痰嗽潮熱肌體羸瘦漸成骨蒸等症

當歸 白芍 白木 茯苓 柴胡各一薄荷五分 甘草六分 丹皮七分 香附八分 有

熱加黃芩五分 生薑三片 紅棗二枚 用水二鍾煎八分食遠溫服

加味八珍湯 治瘰癧虛弱者甚驗

白木五錢 人參 茯苓 當歸 川芎 白芍 熟地 陳皮 貝母

桔梗 何首烏 射干各一錢 黃芪八分 連翹七分 玄參八分 金銀花一錢 夏苦草二錢 山慈姑

甘草各五 用水二鍾酒一鍾煎八分卧時服

家傳消癰丸

天花粉搗爛水浸三日取 萊豆粉四兩用鮮 香附米童便浸 貝母一兩 茯苓一兩

白木兩一 柿霜四兩 牛皮膠三兩 牡蠣煨 百合 山茨菇 杏仁各二 細茶 粉草一兩

青黛六錢 硼砂三錢 白礬二兩 右為末煉蜜為丸萊豆大每日二服每服二錢俱白滾水送下

消癰單方 用蛇遊草南人呼為過山龍北人呼為娘娘拳頭即茜草苗也別名地蘇木秋月採梗葉冬

月取子每二觔浸乾燒酒十觔入磁罐內封口重湯煮香埋土內七日取酒早飯各飲一二杯未潰者

即消已潰者速愈

又方 甘草四兩 生姜取汁 二味入四料南酒瓶內取白花菜汁即鮮夏枯草汁 搗爛絞汁入瓶以瓶滿為度封

口重湯煮一香取出去渣食後服二服即消

瘰癧拔根方

蟹毛七個去頭足并翅同糯米炒用 雞蛋一個鑽一孔用銀簪攪勻入蟹毛末於內再攪勻另取雞

子殼補口綿紙粘固再用粗紙包七層水濕透聽用取土茯苓四兩擇小而扁者為佳若長而菜猪肉

半筋煎湯聽用 於五更時將藥蛋用粗糠火煨熟乘熱食之以前土茯苓肉湯送下三日後小腹脹

痛以益元散推之如尚未利再飲熱水催之毒根從小便下形如圓眼如爛肉其根下其瘰癧自消甚驗

或以木通滑石青黛之類導之青黛善解蟹毛之毒

瘰癧灸法 宜灸肘尖七壯三次除根 一灸金門穴二七壯 一灸脊十一椎對臍是穴灸九壯 陵

漢章用川山甲土炒 蟹毛等分 和艾為炷黃豆大於患處隔蒜灸之或明灸之 子用陽燧錠子於核

上灸七壯貼紺珠膏出水些須其核即消 馬刀堅硬如石痛引頸項者灸劍巨穴三七壯 凡灸後

其核不消者須塗蝕藥以除其根腐去其核方能收口如三品一條鎗貴金錠子之類

瘰癧敷藥 用獨核肥皂子擇新到者用好醋浸一宿次日文火煮透搗爛如泥罨腫處發微腫微痛漸

癒瘡吸膿法 治瘰癧久潰淋漓不能收口先用木綿做圈圍墊瘡口次用小錫葫蘆或竹筒要三個聽

用取乾燒酒筋半大黃一兩 煎滾傾入葫蘆內浸滾水中煮酒滾即傾出急合於瘡口上吸取其膿少

時取起又將別個葫蘆焙樣合之如式輪流合吸五七十次以見鮮血為度次用絲綿燒灰敷口自愈

其相連未潰者經此一吸亦隨而愈矣

洗瘰癧方 破爛頑腐久不收口者

麻油煎滾乘熱用棉裹指尖蘸油熱抹患處十數次用生肌等藥 一用雄黃白礬硃砂各一真阿